



RESOLUCIÓN DO 7 DE XULLO DE 2021 DA DIRECCIÓN XERAL DE DESENVOLVEMENTO PESQUEIRO POLA QUE SE CONVOCA UN CURSO DE MARIÑEIRO/A PESCADOR/A NA MODALIDADE DE TELEFORMACIÓN NA ESCOLA OFICIAL NÁUTICO PESQUEIRA DE FERROL

ANTECEDENTES

O día 16 de setembro de 2016 se publica no portal web de formación da Consellería do Mar (URL:<http://mar.xunta.gal/gl/o-mar/investigacion-e-formacion/formacion/informacion-do-alumnado/teleformacion>) a Resolución do 15 de setembro de 2016 da Dirección Xeral de Desenvolvemento Pesqueiro pola que se establece a modalidade de teleformación para a obtención da titulación profesional náutico-pesqueira de mariñeiro/a pescador/a.

Polo tanto, esta dirección xeral procede a convocatoria de un curso de mariñeiro/a pescador/a na modalidade de teleformación para as persoas interesadas e que se xestionará e titorizará desde a Escola Oficial Náutico Pesqueira de Ferrol.

CONSIDERACIÓNS LEGAIS

- Os Reais decretos 4189/1982, de 29 de decembro, 1283/1987 de 2 de outubro, 1378/1997 de 29 de agosto e 1749/1999 de 19 de novembro, ao abeiro das normas constitucionais, estatutarias e legais correspondentes, que traspasa á Comunidade Autónoma de Galicia funcións e servizos da Administración do Estado en materia de ensinanzas profesionais náutico-pesqueiras
- Real decreto 36/2014, do 24 de xaneiro, polo que se regulan os títulos profesionais do sector pesqueiro
- A Orde do 31 de xullo de 2014 pola que se establecen as bases e se regula o procedemento para a obtención das titulacións de mariñeiro/a pescador/a, patrón/patroa local de pesca e patrón/patroa costeiro/a polivalente na Comunidade Autónoma de Galicia, establece no seu artigo 2 que a autorización, organización, seguimento, control e avaliación dos cursos e actividades formativas reguladas nesta orde, correspóndenlle á Consellería en materia de pesca a través da dirección xeral con competencias en materia de ensino náutico e marítimo-pesqueiro. E no artigo 8 indica que os cursos regulados na orde poderán realizarse na modalidade de teleformación
- Resolución do 15 de setembro de 2016 da Dirección Xeral de Desenvolvemento Pesqueiro pola que se establece a modalidade de teleformación para a obtención da titulación profesional náutico-pesqueira de mariñeiro/a pescador/a
- No Decreto 50/2021, do 11 de marzo, polo que se aproba a estrutura orgánica da Consellería do Mar, no artigo 12 apartado 1.c) establece que a Dirección Xeral de Desenvolvemento Pesqueiro correspóndenlle a función de ordenación, dirección e coordinación das atribucións que ten asumidas a consellería en materia de ensino e titulacións náutico-pesqueiras e de lecer.

De acordo con todo o indicado anteriormente, esta dirección xeral RESOLVE:





Autorizar un curso de **mariñeiro/a pescador/a na modalidade de teleformación** que será titorizado por persoal pertencente a Consellería do Mar.

Primeiro. O curso de teleformación de mariñeiro/a pescador/a terá unha duración de 50 horas. As datas de prematrícula, matrícula e do curso, así como o número de prazas son as seguintes:

- Datas de prematrícula: dende as 08:00h do 9 de xullo de 2021 ata as 14:00 horas do 10 de agosto de 2021.
- Datas de matrícula: 10 días naturais a partir do día seguinte que se fai pública a listaxe provisional de persoas admitidas no curso no portal web de formación da Consellería do Mar. A relación das persoas admitidas será a establecida en función da hora e do día da prematrícula.
- Datas do curso: do 16 de setembro ao 29 de outubro de 2021
- Número de prazas: 60

Se creará unha lista de reserva por rigoroso orde de prematrícula, a partir da última persoa admitida no curso. Esta lista poderá empregarse en caso de producirse baixas na matrícula do curso.

Segundo. As características da modalidade de teleformación para obter a titulación profesional náutico pesqueira de mariñeiro/a pescador/a, as condicións de acceso ao curso e a documentación para formalizar a matrícula e o modelo de solicitude, son as establecidas na Resolución do 15 de setembro de 2016 da Dirección Xeral de Desenvolvemento Pesqueiro pola que se establece a modalidade de teleformación para á obtención da titulación profesional náutico-pesqueira de mariñeiro/a pescador/a.

A referida resolución está publicada no portal web de formación da Consellería do Mar: URL:<http://mar.xunta.gal/gl/o-mar/investigacion-e-formacion/formacion/informacion-do-alumnado/teleformacion>

Terceiro. Rematado o curso de mariñeiro/a pescador/a publicarase no portal web de formación da Consellería do Mar a listaxe de persoas que superaron o curso e que teñen dereiro a presentarse o exame final, así como as excluídas.

Cuarto. O exame do curso de teleformación terá lugar na Escola Oficial Náutico Pesqueira de Ferrol.

Asimesmo, tal como establece a Resolución do 15 de setembro de 2016 da Dirección Xeral de Desenvolvemento Pesqueiro será necesario superar tamén unha proba de natación o mesmo día do exame para poder presentarse a este exame final.

A información do día e da hora de realización da proba de natación e do exame final publicarase no portal web de formación da Consellería do Mar (URL:<http://mar.xunta.gal/gl/o-mar/investigacion-e-formacion/formacion/informacion-do-alumnado/teleformacion>)

Quinto. Rematado o exame teórico-práctico, o tribunal do exame publicará no portal web de formación da Consellería do Mar e no taboleiro de anuncios do centro de ensino, unha copia do exame e a folla coas respostas correctas, co fin de que as persoas interesadas poidan comprobar os seus resultados.

Unha vez correxido o exame teórico-práctico, o tribunal fará pública a listaxe provisional das cualificacións no portal web de formación da Consellería do Mar e no taboleiro de anuncios do centro de ensino.





As persoas interesadas disporán dun prazo de 10 días hábiles para facer reclamacións en relación as cualificacións provisionais, que irán dirixidas ao tribunal do exame teórico-práctico.

Unha vez resoltas as reclamacións presentadas, o/a presidente/a do tribunal publicará a listaxe definitiva das cualificacións, nos mesmos sitios en que se publicou a listaxe provisional.

Sexto. Contra a resolución do/da presidente/a do tribunal as persoas interesadas poderán interpor recurso de alzada perante a persoa titular da Dirección Xeral de Desenvolvemento Pesqueiro, no prazo dun mes, a contar desde o día seguinte ao da publicación da listaxe das notas definitivas no portal web de formación da Consellería do Mar.

Contra a resolución desta convocatoria poderán as persoas interesadas interpor recurso de alzada perante a conselleira do Mar, no prazo dun mes, a contar desde o día seguinte ao da súa publicación no portal web de formación da Consellería do Mar.

Santiago de Compostela,
A directora xeral de Desenvolvemento Pesqueiro

Susana Rodríguez Carballo

